

Broj: 01-02-334/26

Mostar, 06.04.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM**

**n/p g-din Ivan Miličević, sekretar ✓
n/p gđa Edite Mazić, zastupnica**

**Hamdije Kreševljakovića br. 3
71000 S A R A J E V O**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

| | | |
|----------------|------------|------------|
| Prin. broj: | 13-04-2026 | |
| Org. jedinica: | Priloga | Vrijednost |
| 01-02- | 124 | 126 |

Predmet: Odgovor na zastupničko pitanje zastupnice Edite Mazić, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), i člana 116. stav (3) Poslovnika Predstavničkog/Zastupničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24), na 29. redovnoj sjednici Zastupničkog doma Parlamenta Federacije Bosne i Hercegovine održanoj 11.03.2026. godine, zastupnica Edita Mazić podnijela je sljedeće zastupničko pitanje:

1. Koje konkretna i dugoročne mjere planira poduzeti Vlada Federacije Bosne i Hercegovine kako bi sistemski zaštitila građane od rasta cijena osnovnih životnih namirnica, s obzirom da se mjera zaključavanja cijena stalno produžava kao privremeno rješenje?
2. U kojoj fazi je realizacija najavljene aplikacije za uspoređivanje cijena proizvoda i kada će ona biti dostupna građanima Federacije Bosne i Hercegovine?
3. S obzirom da bi se putem te aplikacije vršilo isključivo usklađivanje cijene proizvoda, na koji način Vlada Federacije Bosne i Hercegovine smatra da takav alat može doprinijeti stvarnom smanjenju cijena ili zaštiti životnog standarda građana?
4. Da li Vlada planira predložiti zakon o kontroli cijena ili neki drugi sistemski zakon koji bi dugoročno zaštitio građane Federacije Bosne i Hercegovine od rasta cijena osnovnih životnih namirnica?

U obrazloženju postavljenih pitanja zastupnica Edita Mazić opisuje težak ekonomski položaj građana Federacije Bosne i Hercegovine zbog stalnog rasta cijena osnovnih životnih namirnica, što dovodi do pada životnog standarda i svakodnevne borbe za preživljavanje.

Postupajući prema postavljenim pitanjima, federalni ministar trgovine u okviru svojih nadležnosti daje sljedeći:

Odgovor

Federalno ministarstvo trgovine, u skladu sa Zakonom o federalnim ministarstvima i drugim organima federalne uprave („Službene novine Federacije BiH“, br. 58/02, 19/03, 38/05, 2/06, 8/06, 61/06 i 48/11), obavlja upravne, stručne i druge poslove iz nadležnosti Federacije Bosne i Hercegovine koji se odnose na oblast trgovine, funkcionisanje jedinstvenog tržišta, uticaj privrednog sistema i ekonomske politike na tržište roba i usluga, odnose ponude i potražnje, formiranje cijena roba i usluga, zaštitu potrošača, kao i druge poslove utvrđene zakonom.

U okviru svojih nadležnosti, Federalno ministarstvo trgovine provodi odgovorne politike, naročito u segmentu predlaganja mjera neposredne kontrole cijena Vladi Federacije Bosne i Hercegovine. S tim u vezi, na prijedlog Federalnog ministarstva trgovine, Vlada Federacije Bosne i Hercegovine je u protekle dvije godine donijela više odluka kojima se propisuju mjere neposredne kontrole cijena, određivanjem najvišeg nivoa cijena za pojedine proizvode.

Trenutno važećom Odlukom o propisivanju mjere neposredne kontrole cijena određivanjem najvišeg nivoa cijena za pojedine proizvode („Službene novine Federacije BiH“, broj 100/25), utvrđen je najviši nivo cijena za ukupno 63 prehrambena i higijenska proizvoda. Primjena navedene mjere omogućila je potrošačima uštedu u iznosu od 50 KM do 70 KM po jednoj kupovini, u zavisnosti od trgovačkog lanca, te je doprinijela stabilizaciji tržišta i zaštiti životnog standarda građana.

U odnosu na dugoročne mjere zaštite građana od rasta cijena osnovnih životnih namirnica, Federalno ministarstvo trgovine, pored postojećih administrativnih mjera, poduzima i aktivnosti koje imaju za cilj sistemsko unapređenje tržišnih uslova. U tom kontekstu, Ministarstvo djeluje u pravcu:

- jačanja konkurencije kroz unapređenje tržišnih pravila i transparentnosti,
- unapređenja mehanizama praćenja i analize cijena osnovnih proizvoda i
- saradnje sa drugim nadležnim institucijama u cilju razmatranja dodatnih ekonomskih
mjera koje mogu uticati na stabilizaciju cijena proizvoda.

Upravo zbog navedenog pravca djelovanja Federalno ministarstvo trgovine osmislilo je aplikaciju za upoređivanje cijena proizvoda „Uspoređivanje.ba“, koja ima za cilj omogućiti građanima jednostavan uvid u kretanje cijena osnovnih proizvoda kod različitih trgovaca, povećati tržišnu transparentnost i podstaći konkurenciju. Kada je riječ o uspostavi navedene aplikacije za upoređivanje cijena proizvoda, informišemo da je projekat trenutno u testnoj fazi uspostavljanja sistema prikupljanja i obrade podataka o cijenama. Planirano je da aplikacija bude dostupna građanima nakon završetka testne faze, odnosno već u maju 2026. godine, o čemu će javnost svakako biti blagovremeno informisana.

Nadalje, u vezi sa efektima navedene aplikacije, naglašavamo da njena svrha nije direktno administrativno smanjenje cijena, već stvaranje tržišnih uslova u kojima informisan potrošač može donositi racionalne odluke. Povećana transparentnost i

dostupnost informacija o cijenama proizvoda podstiče zdravu tržišnu konkurenciju, što posredno može dovesti do stabilizacije i smanjenja cijena proizvoda.

Posebno ističemo da će uspostava aplikacije Usporedicijene.ba donijeti višestruke koristi građanima, i to:

- omogućiti direktnu uštedu novca kroz pronalaženje najpovoljnijih cijena proizvoda u različitim trgovačkim lancima,
- unaprijediti transparentnost tržišta na osnovu obaveznih izvještaja trgovaca,
- pojednostaviti pretragu putem funkcionalnosti kao što su skeniranje bar koda i pretraga po nazivu proizvoda,
- omogućiti poređenje ponude većeg broja trgovaca, čime se povećava mogućnost izbora za potrošače.

Na osnovu navedenog može se zaključiti kako navedena aplikacija predstavlja važan alat za jačanje položaja potrošača i podsticanje konkurencije na tržištu.

U pogledu donošenja sistemskog zakonskog rješenja, ističemo da je Federalno ministarstvo trgovine pripremlilo novo zakonsko rješenje kojim se uređuje oblast kontrole cijena na savremen i sveobuhvatan način. Vlada Federacije Bosne i Hercegovine je utvrdila Prijedlog zakona o kontroli cijena i uputila ga u parlamentarnu proceduru.

Predloženi zakon ima za cilj uspostavljanje jasnog pravnog okvira za postupanje u uslovima poremećaja na tržištu, uključujući precizno definisane uslove za uvođenje mjera kontrole cijena, vremensko ograničenje njihovog trajanja, kao i jačanje institucionalnog nadzora. Istovremeno, zakon je koncipiran na način da uvažava principe slobodnog tržišta, uz osiguranje adekvatne zaštite potrošača.

S poštovanjem,



MINISTAR

Amir Hasičević